

VI. ANUNCIOS**A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

RESOLUCIÓN do 28 de abril de 2026, do Departamento Territorial da Coruña, pola que se concede a autorización administrativa previa e de construción dunha instalación de distribución eléctrica no concello da Coruña (expediente IN407A 2026/082-1).

Expediente: IN407A 2026/082-1.

Promotora: Autoridade Portuaria da Coruña.

Denominación do proxecto: LMTS, CS Alimentación complementaria acceso ferroviario porto exterior-lugar de Vío, M 6-1.

Concello: A Coruña.

Feitos:

1. O día 26.3.2026, a empresa promotora solicitou a autorización administrativa previa e a autorización administrativa de construción do proxecto de execución da instalación de distribución eléctrica mencionada, co obxecto de dotar de subministración eléctrica complementaria as instalacións particulares de media tensión que alimentarán as construcións do acceso ferroviario ao porto exterior en Punta Langosteira.

Ao abeiro do artigo 123 do Real decreto 1955/2000, presentan o proxecto de execución denominado LMTS, CS Alimentación complementaria acceso ferroviario porto exterior-lugar de Vío, M 6-1, asinado o día 5.3.2026 (visado 20260540 do 9.3.2026) por David Núñez Fernández, enxeñeiro industrial con especialidade en Electricidade, núm. de colexiado 1534 de Galicia.

2. O proxecto non se someteu ao trámite de información pública, segundo o artigo 50 da Lei 9/2021, do 25 de febreiro, de simplificación administrativa e de apoio á reactivación económica de Galicia (DOG núm. 39, do 26 de febreiro).

3. Consonte o artigo 127 do Real decreto 1955/2000, do 1 de decembro, solicitouse o informe preceptivo ao Concello da Coruña como entidade afectada. A empresa promotora manifestou a súa conformidade co informe emitido no prazo outorgado para ese efecto.

CVE-DOG: a92l9m8-nbs7-rgr2-rx31-hmhyebkexv81



4. O día 27.4.2026 emitiuse o informe técnico.

Consideracións legais e técnicas:

Primeira. O director territorial é competente para resolver este expediente, ao abeiro do disposto no Decreto 9/2017, do 12 de xaneiro, polo que se establecen os órganos competentes para a resolución dos procedementos de autorización de instalacións eléctricas que sexan competencia da Comunidade Autónoma de Galicia (DOG núm. 22, do 1.2.2017), e no Decreto 140/2024, do 20 de maio, polo que se establece a estrutura orgánica da Consellería de Economía e Industria (DOG núm. 101, do 27.5.2024).

Segunda. *Lexislación de aplicación*

- Lei 24/2013, do 26 de decembro, do sector eléctrico.
- Real decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica.
- Real decreto 223/2008, do 15 de febreiro, polo que se aproban o Regulamento sobre condicións técnicas e garantías de seguridade en liñas eléctricas de alta tensión e as súas instrucións técnicas complementarias ITC-LAT 01 a 09.
- Real decreto 337/2014, do 9 de maio, polo que se aproban o Regulamento sobre condicións técnicas e garantías de seguridade en instalacións eléctricas de alta tensión e as súas instrucións técnicas complementarias ITC-RAT 01 a 23.
- Real decreto 842/2002, do 2 de agosto, polo que se aproba o Regulamento electrotécnico para baixa tensión.
- Lei 9/2021, do 25 de febreiro, de simplificación administrativa e de apoio á reactivación económica de Galicia (DOG núm. 39, do 26 de febreiro).

Terceira. *Características técnicas*

As instalacións obxecto deste expediente están situadas na rúa Nicanor Tabuyo Domínguez, s/n, na parcela M 6-1 do polígono de Vío, no concello da Coruña, e as súas características técnicas son as seguintes:

CVE-DOG: a92l9m8-nbs7-rg2-rx31-hmhyebkexv81



Centro de seccionamento de tipo prefabricado compacto manobra exterior con tres celas de liña (3L), dúas delas telecontroladas, e unha cela para a alimentación aos servizos auxiliares do CS.

Liña de media tensión subterránea, en condutor do tipo RHZ1-2OL 12/20 kV 3(1×240 Al), que terán o seu inicio e final nos empalmes por realizar sobre a LMTS existente de UFD denominada GRN753, no tramo comprendido entre a subestación da Grela e o centro de transformación CT 15 CJWM núm. 8 Vío, despois de realizar entrada-saída no centro de seccionamento proxectado, cunha lonxitude total de 114 metros.

Cuarta. No expediente consta un informe favorable dos servizos técnicos deste departamento territorial.

De acordo con todo o exposto,

RESOLVO:

A) Conceder a autorización administrativa previa e a autorización administrativa de construción da dita instalación de distribución eléctrica.

B) A instalación executarase no prazo de dous anos, contados a partir do día seguinte ao da publicación desta resolución no *Diario Oficial de Galicia*.

C) Para a posta en funcionamento da instalación autorizada, deberá achegar ante este departamento territorial unha solicitude á cal xuntará a seguinte documentación:

- As declaracións de conformidade relativas ao material ou equipamento, e as certificacións ou homologacións, se procede.
- Un certificado do/da director/a da montaxe en que se garantirá o cumprimento das especificacións do proxecto e das prescricións complementarias, se as houber, así como das regulamentacións e normas axeitadas para a montaxe da instalación e posta a punto.
- Planimetría *as built* da instalación eléctrica en formato *shape*.

D) Esta aprobación outórgase sen prexuízo doutras que sexan de aplicación segundo a lexislación vixente, en especial no relativo á ordenación do territorio e ao ambiente.

CVE-DOG: a92l9m8-nbs7-rgr2-rx31-hmhyebkexv81



O incumprimento das condicións e requisitos establecidos nesta resolución ou a variación substancial dos presupostos que determinaron o seu outorgamento poderán dar lugar á súa revogación, logo de audiencia ao interesado, segundo o establecido no artigo 53.10 da Lei 24/2013, do 26 de decembro, do sector eléctrico.

Contra esta resolución, que non é definitiva en vía administrativa, poderase interpor recurso de alzada perante a conselleira de Economía e Industria no prazo dun mes contado a partir do día seguinte ao da notificación ou publicación, segundo o disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro), sen prexuízo de que as persoas interesadas poidan interpor calquera outro recurso que consideren pertinente.

Mediante este documento notifícaselles aos interesados esta resolución, segundo o exixido no artigo 40.1 da dita Lei 39/2015.

A Coruña, 28 de abril de 2026

Isidoro Martínez Arca
Director territorial da Coruña

CVE-DOG: a92l9m8-nbs7-rg2-rx31-hmhyebkexv81

